

Vuk'uzenzele

Uyefulelwa Liphiko Lwetekuchumana Netekwatisa (i-GCIS)

English/Siswati

Inkhwehwezi 2022 Lushicilelo 1

Kuhhamuleka etikhukhuleni KwaZulu-Natal naseMphumalanga Kapa



■ Mengameli Cyril Ramaphosa uvakashele bantfu labakhahlametwe tikhukhula KwaZulu-Natal.

umkhakha wangasese kanye netinhlangano letingasito tahulumende, netinhlangano temmango kusekela labo labakhahlametekile.

Sikhwama Selubumbano sitavula i-akhawunti yasebhange leseceleni yenhlekelele yetikhukhula yebantfu baseNingizimu Afrika nebantfu bangehandle labanikela ngetimali kutsi bafake ligalelo kulemitamo yelusito lwekukhula.

“Hulumende utawuphindza futsi akhiphe emavawusha kusita emakhaya kutsi akhe futsi tindlu takho letidzilike kancane,” kwasho Mengameli.

“Luhlolo loluphelele lwetindleko tetemnotfo taletikhukhula lusatawukwentwa, kodvwa kuyacaca kutsi titawu batigidzigidzi temarandi kute kwakhiwe kabusha sakhiwonchanti kanye nekulahleka kwemisebenti yekukhucita.”

Wengete ngekutsi lemali lebelwe eceleni kufanele kutsi ifinyelele kulabo labakhahlabetwe tikhukhula labayidzinga kakhulu.

Iyachubeka elikhasini lesi-2

Allison Cooper

Hulumende utawusita bahlali baKwaZulu-Natal naseMphumalanga Kapa kutsi bakhe futsi kabusha timphilo

tabo nemakhaya abo ngemuva kwekutsi tikhukhula letisandza kubakhona tishiye bantfu bafile futsi tente umonakalo kuleti-fundza letimbili.

Mengameli Cyril Ramaphosa utsite Temafo Avelonkhe

batakwenta kutsi kube khona imali yemitamo yekuhhamula kusita labo labakhahlametwe nguletikhukhula.

“Indvuna Yetetimali itsite sigidzigidzi lesi-R1 siyatfolakala ngekushesha,” kwasho

yena.

Mengameli Ramaphosa utawuphindza futsi atsintse Iphalamende kutsi kutfolakale imitfombolusito leyengetiwe.

Hulumende usebentisana neSikhwama Selubumbano,



Yilwa nebugebengu, hhayi netifiki

Likhasi le-3




HLALAY LIPHIPHILE



I-Haemophilia ingelapheka



Likhasi le-10



Kufundza i-Vuk'uzenzele faka i-GOVAPP ku:

ANDROID APP ON Google play Available on the App Store

Bheka u-SA Government ku-Google playstore nome ku-appstore

TSINTSANA NATSI  Vuk'uzenzele  @VukuzenzeleNews

Iwebhusaythi: www.gcis.gov.za I-imeyli: vukuzenzele@gcis.gov.za
www.vukuzenzele.gov.za Lucingo: (+27) 12 473 0103

Tshedimosefo House:
1035 cnr Frances Baard and Festival streets, Hatfield, Pretoria, 0083

Isukela elikhasini leku-1

“Kutawuba mcoka kakhulu kutsi, njengaloku senta lomsebenti, yonkhe lemitfombolusito lesiyihlanganisako isetjentiselwa tinhloso leticondzene nayo futsi ifinyelele kulabo lekumele kutsi bayitfole. Ngeke kuvunyelwe inkhohlakalo, kungalawulwa kahle nome kukhwananisa kwanome ngabe kwaluphi luhlobo,” kwagcizelela yena njalo Mengameli.

Lusito lolutigabatintsatfu

Mengameli Ramaphosa utsite hulumente utawunikela ngelusito kulenhlekelele ngetigaba letintsatfu.

Sekucala sitawugcila elusitweni lwebuntfu lwekuhhamula masinyane, kucinisekisa kutsi wonkhe umuntfu lotsintsekile uphephile kanye nekutsi tidzingo tabo letisisekelo kuyahlangabetanwa nato.

“Kwesibili, sitawugcila eku-simamiseni nasekubuyiseni futsi, kunika bantfu tindlu labo labalahlekelwe ngemakhaya abo kanye nekubuyisa futsi nekwetfulwa kwetinsita. Kwesitsatfu, sitawugcila ekwakheni futsi kanye nasekubuyiseleni esimeni,” kwasho yena njalo.

Sigaba sekwakha futsi kanye nekubuyisela esimeni sitawufaka ekhatsi kwakhiwa kwetindlu etindzaweni letifanele.

Litiko Letekuhlaliswa Kwebantfu selivele licalile ngekuhlola umonakalo wetindlu kuso sonkhe lesifundza.

“Umsebesnti lekumele kutsi wentiwe masinyane, wekufaka labo bantfu labakhishwe tikhukhula etindlini kantsi sisenta emalungiselelo ekubanika tisetjentiswa tekuhlala tesikhashana,” kwasho Mengameli Ramaphosa.

Litiko Letemisebenti Yahlumende Nesakhiwonchanti libuka umhlaba lofanele wembuso longasetjentiselwa kutsi kuhlaliswe futsi bantfu kuwo.

Umonakalo lomkhulu

Letimvula tibange umonakalo lomkhulu etindlini; kute-mabhezini; emigwacweni nasemabhulohweni; emantini, kugezi, kutakhiwonchanti tekuhamba kwetitimela netekuchumana. Tikolo, tikhungo tetemphilo, titeshi temaphoyisa netinkantolo tabomantji nato titsintsekile, kanye nekuphakelwa kwemafutsa ekuhambisa tigitjelwa nekudla.

“Kulinganiselwa kubafundzi labangetulu kwe-270 000 labatsintsekile etikolweni letingetulu kwe-600 letonakalisekile, leti-16 tato akufinyeleleki kuto ngenca yemonakalo yemigwaco yekuchumana nato kanye nemabhuloho.

“Tikhungo tahlumende tekunakekela ngemphilo letinge-66 titsintsekile, nanome kube nekutsikameteka lokuncane kutinsito tetemphilo etigodzini letinyenti letisintsekile,” kwasho yena njalo Mengameli.

Umsebenti lomkhulu uyeta wekubuyisela esimeni tinsita letimcoka etindzaweni letahlukahlukene KwaZulu-Natal.

Bantfu labangetulu kwe-400 balahlekelwe timphilo tabo KwaZulu-Natal kantsi labanyenti bantfu banyamalele. Kubikwe kutsi kushone munye eMphumalanga Kapa.

Emakhaya langetulu kwe-4 000 abhidlikile kantsi langetulu kwe-8 300 onakele kanane, lokuyinto leshiye bantfu laba-40 000 bete emakhaya.

Mengameli utsite Lumphiko Lwetemaphoyisa aseNingizimu Afrika (i-SAPS) kanye neMbutfo waseNingizimu Afrika Wetekuvikela (i-SANDF) behahola imitamoyekutfungatsa nekuhlenga.

Loku kufaka ekhatsi kutfunyelwa kwetisebenti te-SAPS, licembu letekuntjwiza emantini, tinja tekutfungatsa, tindiza letinelumphiko emhlanga kanye netindiza etindzaweni letisintseke kakhulu.

“Tindiza te-SANDF tisetjentiselwe kuhlenga nekuletsa tinsita tekuhhamula – njengekudla, manti, emathende



Letimvula tibange umonakalo lomkhulu etindlini; kutemabhezini; emigwacweni nasemabhulohweni; nakutakhiwonchanti temanti nagezi.



netingubo – kubantfu labasetindzaweni lokungafinyeleleki kuto.

“Sengingunyate i-SANDF kutsi iletse tisebenti letinyenti, tilondvoloti temanti kanye netisetjentiswa tekuwahlantana kanye nemacembu etebunjinyela atewusita ngegezi kanye nekubuyiswa kwemanti,” kwasho yena.

Kwengeta kuloko, ematiko ahulumende kuvelonkhe kanye nasemazingeni etifundza; bomasipala; tinhlango letingasitotahlumende nebemabhezini bebasolomane basabalalisa tisetjentiswa letimcoka tekusita kuhhamula letifanana

nekudla, tingubo, bomatilasi, tembatfo, imitsi yekwelapha tifo letingubomahlalakhona, tintfo tekugeza kanye netintfo tekupheka.

Kungasikudzala, Ikhabinethi imemetele Simo Savelonkhe Senhlekelele kuphendvula kuletikhukhula.

Mengameli letikhukhula utichaze njengenhlekelele yeluntfu ledzinga kutsi kube “nemtamo lomkhulu wekuyihhamula futsi ngalokuphutfumako.”

“Timphele, imphele nenhlalakahle yetinkhulungwane tebantfu solomane isasebungotini. Letikhukhula tibange umonakalo lomkhulu kute-

mnotfo nakutenhlalo,” kwasho yena.

Sikhumulo semikhumbi saseThekwini, lesimcoka kakhulu emnotfweni waseNingizimu Afrika futsi singulesinye setikhumulo lesikhulukati nalesihlala njalo simatasatasa kulelivekati, sitsintseke kakhulu.

“Bumcoka beSikhumulo semikhumbi saseThekwini

kanye netakhiwonchanti letiphatselene naso kute kube nekusebenta ngemphumelelo kwemnotfo walelive, loku kusho kutsi lenhlekelele inemitselela kwendlulela ngale kweKwazulu-Natal,” kwasho Mengameli.

Seyikhona inchubekelembili leseventiwe ekubuyiseleni esimeni kusebenta eSikhumulweni semikhumbi saseThekwini, kuvulwa kwemigwaco leminyene kute kutsi emaloli akhone kufinyelela ekugcineni kwesikhumulo semikhumbi kanye nekukhuculula imfucuta elithekwini lemikhumbi.



government communications

Department: Government Communication and Information System
REPUBLIC OF SOUTH AFRICA

Tel: 012 473 0353

Email: vukuzenzele@gcis.gov.za

Address: Private Bag X745, Pretoria, 0001

Head of Editorial and Production

Regomoditswe Mavimbela
Regomoditswe@gcis.gov.za

Editor-in-Chief

Tyrone Seale | Tyrone@gcis.gov.za

Managing Editor

Irene Naidoo | irene@gcis.gov.za

News Editor

Noluthando Motswai

Writer: More Matshediso

Graphic Designers

Tendai Gonese | Benny Kubjana

Production Assistants

Jauhara Khan | Sebastion Palmer

Language Practitioners

Nomgcibelo Motha | Boitumelo Phalatse
Thandolunye Magudulela | Sizwe Ziqubu

All rights reserved. Reproduction of the newspaper in whole or in part without written permission is strictly prohibited.

Vuk'uzenzele
is published by Government Communications (GCIS)


abc

Printed by:



Distributed by:





Yilwa nebugebengu, hhayi netifiki



Iminyaka lengemashumi lamabili nesihlanu leye- ngca, Umtsetfosisekelo wetfu lomusha wentsandvo yelinyenti wacala kusebenta. Kuvuma lomtsetfosisekelo wetfu, sacinisekisa kutinikela kwetfu kutsi sibe ngummango lowesekelwe etikwema- gugu entsandvo yelinyenti, bulungiswa betenhlalo kanye nemalungelo eluntfu.

Besenta futsi kwehlukana ngalokuphelele nelimuva letfu. Loku bekulimuva lebe- leyeme ebuhlangeni lelitivete ngekulawula kungena kwe- bantfu, kubekelana umsebenti, tindzawo temacembu kanye nemapasi.

Ngesikhatsi emahamba- mbili etfu abhala Umculo Wenkhululeko nga-1955, imitsetfomgomo yawo ifakiwe kuMtsetfosisekelo wetfu, futsi wamemetela kutsi iNingizimu Afrika yabo bonkhe labahlala kuyo, bebafuna ummango lokhululekile emcondweni wekutinaka wona kakhulu, buve, buhlanga nekubandlu- lula ngekwbulili.

Ngako-ke kuyatsikameta kakhulu kutsi letehlakalo letisandza kwenteka letivaka- lalisa umcondvo wekungevani nebekuchamuka etincenyeni

talelive tiletsa futsi limuva letfu lesikhatsi selubandlululo.

Sibone bantfu bamiswa etitaladini takhamuti leti- timele bacindzetelwa kutsi bavete timphepha tekutatisa kucinisekisa simo sabo sekuba bachamuki. Sibone labanye baholi bemacembu etepolitiki basho titatimende letinga- sito busayensi letimayelana nebachamuki ngekuchaphata tikhalo tebantfu kute bazuze ngekwetepolitiki.

Sibone imishuco lecondze emakhaya ebantfu kanye nasetindzaweni tabo tekuhlala kuyewuhlolwa bufakazi betento tebugebengu. Sibone bantfu bahlaselwa, balinya- twa futsi labanye babulawa ngenca yekubukeka kwabo nome ngenca yendlela letsite labaphimisa ngayo emagama nabakhuluma.

Lena yindlela bacindzeli belubandlululo bebasebenta ngayo.

Bebatsi luhlobo lolutsite lwebantfu bangahlala kuphela etindzaweni letitsite, bachume emabhizinisi latsite nome basebente imisebenti letsite. Ngesikhatsi selubandlu- lulo, bantfu labamnyama bebatsatseka njalo njenge- basolwa futsi bebamiswa

ngemaphoyisa nabatfolakala etindzweni lebetatiwa nge- kutsi talabamhlophe. Bantfu labamnyama bebacindzetelwa kutsi bavete emapasi nangabe bangenti njalo, bebavalelwa ejele.

Ngeke sivume kutsi tento letite bulungiswa letifanana naletu kutsi tiphindze futsi tenteke.

Letehlakalo taseLokishini laseGauteng eDiepsloot letisa- ndza kwenteka betitehlakalo letibuhlungu. Ngesikhatsi nje seliviki linye, bantfu labasikhombisa babulawa, lokwavusa imibhikisho.

Kulahleka kwemphilo kuya- dzabukisa, njengekubulawa kwem-Afrika wakutsi wase- Zimbabwe lokusolelwa kutsi ufele etandleni tetinchapheli tammango.

Bugebengu yinkinga lenkhulu kulelive. Bunemtse- lela lomubi kuyo yonkhe imimango kantsi bantfu sebadziniwe kube kufanele kuphila ngekwesaba tige- bengu.

Lokuphambene naloko loku- shiwo kulamanye emacembu laphikisana nebekuchamuka kanye nalabanye nje, labenta bugebengu ngulabamnyama nalabamhlophe, labadvuna nalabasikati, umchamuki nesakhamuti.

Bugebengu, hhayi tifiki, sitsa setfu sonkhe lekumele kutsi sisebente ngekuhlanganyela sibuncobe.

Ngeke sibuncobe buge- bengu ngekususa lutfutfuva, budlova, kwesabisa kanye nebunchapheli lobucondziswe kubetive, ikakhulu betive labachamuka emaveni ase- Afrika.

Siyavuma kutsi imimango leminyenti iyadzinwa kwehlu- leka kwemaphoyisa kutsi alwe netigebengu. Emkhatsini wetinyatselo lesititsatsako kunika emakhono ekusebenta

emaphoyisa ngekutweba ti- khulu temaphoyisa letenge- tiwe leti-12 000.

Siphindza futsi sisungula emaforamu ebuphoyisa tammango kulolonkhe lelive. Lemaforamu ahlanganisa ndzawonye labamelele imimango kanye nalaba- melele emaphoyisa kute kwentiwe ncono tekuphepha emmangweni kanye nekwenza emaphoyisa kutsi atilandze.

Nanome sicinisa sandla eku- lweni kwetfu nebugebengu, kute bulungiswa ekutseni bantfu batitsatsele umtsetfo etandleni tabo.

Ngalokufananako, siyabona kutsi tifiki letingekho emtse- tfweni tifaka ebungotini tekuvikeleka, tekusimama taseNingizimu Afrika kanye nenchubekembili kute- mnotto.

Tifiki letingekho emtsetfweni tinemtselela ekuletfweni kwetinsita futsi tibeka imi- tfwalo leyengetiwe kutinsita letimcoka njengekunakekela ngetemphilo kanye nemfu- ndvo.

Njenganome ngabe ngu- siphil sive lesitimele, sinalo lilungelo lekufezekisa tinchubomgomo kanye netinyatselo letitawucinise- kisa bucotto beminye yetfu, kuvikela emalungelo ebantfu baseNingizimu Afrika kanye nekwenza kutsi bonkhe labo labahlala ngekhatshi kulemi- nyeye yetfu nabo banelilu- ngelo lekutsi babe lapha.

Kulawula kungena kwe- bantfu kulelive ngumsebenti wahulumende.

Kute sakhamuti lesitimele lesingatsatsa indzima yeti- phatsimandla leticinisekisa kugcina umtsetfo ngekutsi sicindzetele tifiki kutsi tivete timphepha tekutatisa.

Ngephasi kweSigaba se-41 seMtsetfo Wetifiki, lilunga lemaphoyisa kuphela nome

siphatsimandla setekungena eveni lesingabuta umuntfu timphepha tekutatisa njengesakhamuti, umhlali wesiphelane nome sifiki.

Nangabe letiphatsimandla tikholwa, ngetizatfu letivakalako, kutsi lowo muntfu ulapha kulelive ngalokungekho emtsetfweni, bangavalelwa ngesikhatsi kusentiwa luphenyo lwe- simo sabo. Ekwenteni loko, tiphatsimandla leticinise- kisa kugcinwa kwemtsetfo kufanele kutsi tikhloniphe emalungelo nesitfunti sakhe.

Kucinisekisa kugcinwa kwemtsetfo wetekungena nekuphuma eveni ngulube- kwe embili kutsi hulumente acale ngako kukwenza. Senta umsebenti wekucinisekisa kutsi tihlangano tenkho- hlakalo letigcugcutela inkhohlakalo yekungena nekuphuma eveni nge- kuhlanganyela netikhulu letikhohlakele tiyaboshwa.

Njengawo onkhe emabhi- zisini, emabhizinisi etifiki kufanele kutsi ahloniphe imitsetfo lefanele, lokufaka ekhatsi imitsetfosimiso yetemphilo netekuphepha, tinato tonkhe timvume letidzingelele netimvume tekusebenta, futsi akhokha umtsetfo lodzingelele.

Silive lentsandvo yelinye- nti lelisekelwe kubusa kwemtsetfo. Tento letinga- sito temtsetfo leticondziswe kubantfu bekufika, baneti- mphepha nome bete timphe- pha, ngeke buvunyelwe.

Lamuhla, lulaka lwetfu lungacondziswa kuba- chamuki baseZimbabwe, eMzambiki, eNigeria nome ePakistan. Kusasa, lulaka lwetfu kungenteka luco- ndziswe kitsi sodvwa.

Asigcileni ekutseni sincoba bugebengu, akukhatsalekile kutsi bentiwa ngubani.